

ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՊԱՅՄԱՆԱԳԻՐ

ք. Երևան

«15» նոյեմբերի 2021թ.

ՀՀ հակակոռուպցիոն կոմիտեն, այսուհետ՝ «Պատվիրատու», ի դեմս գլխավոր քարտուղար Գ. Մկրտչյանի, որը գործում է Կոմիտեի կանոնադրության հիման վրա, մի կողմից, և ֆիզ. անձ Արսեն Ռոբերտի Ղազարյանն /անձն. AM 0871460/, (այսուհետ՝ Կատարող), մյուս կողմից, կնքեցին սույն պայմանագիրը հետևյալի մասին:

1. Պայմանագրի առարկան

- 1.1. Սույն պայմանագրով՝ Կատարողը պարտավորվում է Պատվիրատուի հանձնարարությամբ մատուցել սույն պայմանագրի 1.2. կետում նշված ծառայությունները, իսկ Պատվիրատուն պարտավորվում է վճարել այդ ծառայությունների դիմաց:
- 1.2. Կատարողը պարտավորվում է մատուցել հետևյալ ծառայությունները՝ ֆինանսական գործարքների զննություն, այսուհետ՝ «Ծառայություններ»՝ քննիչի 2021 թվականի նոյեմբերի 18-ի որոշման հիման վրա:
- 1.3. Ծառայությունների մատուցման ժամկետն է ս/թ 15-22-ը նոյեմբերի՝ ընդհանուր 40 ժամ:
- 1.3.1. Ծառայությունները մատուցված են համարվում Պատվիրատուի կամ նրա լիազոր ներկայացուցիչների կողմից կատարողական ակտի ստորագրման պահից:

2. Կողմերի իրավունքները և պարտականությունները

- 2.1. Կատարողը պարտավոր է՝
 - 2.1.1. Ծառայությունները մատուցել պատշաճ որակով.
 - 2.1.2. Ծառայությունները մատուցել ամբողջ ծավալով, սույն պայմանագրի 1.3. կետում նշված ժամկետում.
 - 2.1.3. Անձամբ կատարել Ծառայությունները:
- 2.2. Պատվիրատուն պարտավոր է Ծառայությունների դիմաց վճարել սույն պայմանագրի 3-րդ կետում նշված գնին համապատասխան, Ծառայությունների հանձնման-ընդունման ակտի ստորագրման պահից 5 / հինգ / բանկային օրվա ընթացքում.
- 2.3. Պատվիրատուն իրավունք ունի՝
 - 2.3.1. Մինչև ակտի ստորագրումը՝ ցանկացած ժամանակ հրաժարվել պայմանագիրը կատարելուց՝ Կատարողին վճարելով սահմանված գնի այն մասը, որը համապատասխանում է մինչև պայմանագրի կատարումից Պատվիրատուի հրաժարման մասին տեղեկություն ստանալը մատուցված Ծառայությունների չափին:

3. Պայմանագրի գինը և վարձատրությունը

- 3.1. Վարձատրությունը հաշվարկվում է ժամային դրույքաչափով՝ մեկ ժամի արժեքը սահմանվում է 3460 դրամ: Սույն պայմանագրի գինը կազմում է՝ 138400 /մեկ հարյուր երեսունութ հազար չորս հարյուր/ ՀՀ դրամ, այդ թվում՝
 - 3.1.1. Կատարողի վարձատրություն՝ 100108 /մեկ հարյուր հազար հարյուր ութ / ՀՀ դրամ.
 - 3.1.2. հարկեր և պարտադիր վճարներ /եկամտային հարկ, սոց. վճար, դրոշմանիշային վճար/ 38292 /երեսունութ հազար երկու հարյուր իննսուներկու/ ՀՀ դրամ:
- 3.2. Պատվիրատուի կողմից Կատարողին հասանելի զումարը վճարվում է սույն պայմանագրում նշված Կատարողի հաշվարկային հաշվին փոխանցելու միջոցով:

4. Կողմերի պատասխանատվությունը

4.1. Սույն պայմանագրի 1.3. կետում նշված Ծառայությունների մատուցման ժամկետը խախտելու համար Կատարողը Պատվիրատուին վճարում է տուգանք՝ պայմանագրի արժեքի 0.5 տոկոսի չափով և տույժ՝ կետանցի յուրաքանչյուր օրվա համար 0.05 տոկոսի չափով:

4.2. Տույժի վճարումը Կատարողին չի ազատում իր պարտավորությունները կատարելու և խախտումները վերացնելու պատասխանատվությունից:

5. Անհաղթահարելի ուժի ազդեցությունը (ՖՈՐՍ-ՄԱԺՈՐ)

Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

6. Վեճերի լուծման կարգը

Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7. Եզրափակիչ դրույթներ

7.1. Սույն պայմանագրում ցանկացած փոփոխություն և լրացում վավեր է այն պայմանով, եթե դրանք կատարված են գրավոր և ստորագրված՝ Կողմերի լիազոր ներկայացուցիչների կողմից: Սույն պայմանագրի հավելվածները դրա անբաժանելի մասն են:

7.2. Սույն պայմանագիրը կազմված է հավասարազոր իրավաբանական ուժ ունեցող երկու օրինակից: Յուրաքանչյուր կողմի մոտ գտնվում է պայմանագրի մեկական օրինակ:

8. Կողմերի հասցեները, բանկային վավերապայմանները և ստորագրությունները

Պատվիրատու

ՀՀ հակակոռուպցիոն կոմիտե

ՀՎՀՀ 00243582


ք. Երևան, Վ. Վաղարշյան 13ա

ՖՆ գործառնական վարչություն

Հ/Հ900011038701

Գլխավոր քարտուրս

Գ. Մկրտչյան



Կատարող

Արսեն Ռոբերտի Ղազարյան

ք. Էջմիածին, Նալբանդյան 60

Այդի Բանկ ՓԲԸ

Հ/Հ 11817036956502

անձն. AM 0871460, ՀԾԸ 2001810334

հեռ. 093 92-92-22

Ա. Ղազարյան